



Republika ng Pilipinas  
**Kagawaran ng Edukasyon**  
Rehiyon V  
**Tanggapang Pansangay ng mga Paaralan ng Sorsogon**

---

**PABATID**

**GAWAD JULIAN CRUZ BALMACEDA 2026 NG KOMISYON SA WIKANG FILIPINO**  
19 Agosto 2025

Ipinababatid ng Tanggapang Pansangay ng mga Paaralan ng Sorsogon ang panawagan ng Komisyon sa Wikang Filipino (KWF) hinggil sa patimpalak na Gawad Julian Cruz Balmaceda 2026. Ang pagpapadala ng lahod sa patimpalak na ito ay tatanggapin kung naipadala sa koreo bago o sa petsang 10 Oktubre 2025, 5:00 nh.

Ito ang pinakamataas na pagkilála na handog ng KWF para sa natatanging tesis at disertasyon sa agham, matematika, agham panlipunan, at iba pang kaugnay na larang gamit ang wikang Filipino. Layunin nitóng hikayatin at palaganapin, sa pamamagitan ng sistemang mga insentibo, grant, at gawad, ang pagsusulat at publikasyon sa Filipino at ibang mga wika ng Pilipinas ng mga akdang orihinal, kabilang ang mga teksbuk at sangguniang materyales sa iba't ibang disiplina.

Ang paanyaya kaugnay ng gawain ay nasa kalakip na papel. Gayundin, para sa buong detalye, mangyaring bisitahin ang post ng Komisyon sa Wikang Filipino gamit ang kawing na <https://www.facebook.com/photo/?fbid=992912376348289&set=a.161956492777219>. Ang gawad ay bukás sa lahat ng mga estudyante, babae man o laláki, sa antas gradwado (masteral at doktorado), maliban sa mga empleado ng KWF at kanilang mga kaanak.

Para sa inyong patnubay at pagtugon.

  
**JOSE L. DONCILLO, CESO V**  
Tagapamanihalang Pansangay



Kompleks Pampalakasan ng Balogo, Balogo,  
Sorsogon, Sorsogon 4700  
Email: [sorsogon@deped.gov.ph](mailto:sorsogon@deped.gov.ph)  
Website: [depedsorsogon.com.ph](http://depedsorsogon.com.ph)

## Gawad Julian Cruz Balmaseda 2026 Ukol sa Gawad

Ang Gawad Julian Cruz Balmaseda ay ang pinakamataas na pagkilála na handog ng KWF para sa natatanging tesis at disertasyon sa agham, matematika, agham panlipunan, at iba pang kaugnay na larang gámit ang wikang Filipino.

Layunin nitó na hikayatin at palaganapin, sa pamamagitan ng sistemang mga insentibo, grant, at gawad, ang pagsusulat at publikasyon sa Filipino at ibang mga wika ng Pilipinas ng mga akdang orihinal, kabilang ang mga teksbuk at sangguniang materyales sa iba't ibang disiplina.

May dalawang katagorya ang gawad: (1) tesis at (2) disertasyon. May isang magwawagi lámang sa bawat katagorya. Maaari ding walang tatanghaling magwawagi sa alinmang katagorya.

Nagsimula ang gawad noong 2015 at nakapagtala ng labindalawang nagwagi: Marlon S. Delupio, disertasyon sa kasaysayan (2015); Gilbert E. Macarandang, disertasyon sa agham pampolitika at Roman Sarmiento Jr., tesis sa kasaysayan (2016); Lovella G. Velasco, disertasyon sa panitikan, at Christian Ezekiel J. Fajardo, tesis sa antropolohiya (2017); Emmanuel S. De Leon, disertasyon sa pilosopiya (2018); Wenniferlyn F. Fajilan, disertasyon sa pagsasalin (2019); Regina Starr B. Abelardo, tesis sa musika at panitikan (2020); Roque Augustus L. Lamadrid, tesis sa araling kultural, at Jonathan V. Geronimo, disertasyon sa araling kultural (2022); at Kristine Mae M. Nares, tesis sa araling kultural, at Mariyel Hiyas C. Liwanag, disertasyon sa araling wika (2025).

Makatatanggap ng halagang PHP100,000 (net) at isang plake ng pagkilála ang magwawagi sa mga katagorya ng naturang gawad. Lahat ng kopya ng mga lahok, nanalo man o natalo, ay hindi na ibabalik sa mga kalahok. Angkin ng KWF ang unang opsiyon na mailathala ang mga nagwaging lahok nang walang royalti sa may-akda.

### Tuntunin:

1. Ang gawad ay bukás sa lahat ng mga estudyante, babae man o laláki, sa antas gradwado (masteral at doktorado), maliban sa mga empleado ng KWF at kanilang mga kaanak.
2. Ang ilalahok na tesis at/o disertasyon ay naipagtanggol at naipasá sa mga taóng 2022–2024.
3. Kinakailangan itong isulat bilang kahingian sa mga kursong may kaugnayan sa agham, matematika, agham panlipunan, humanidades, at sa iba pang kaugnay na larangan.
4. Kailangang orihinal na isinulat at ipinagtanggol sa Filipino ang lahok, orihinal na gawa ng may-akda, hindi pa nailalathala bilang aklat, at hindi rin salin mula sa ibang wika.



5. Marapat na gamitin ang KWF Manwal sa Masinop na Pagsulat (MMP) bilang format sa pagsulat ng talababa, talasanggunian, at iba pa.

6. Para sa paglahok, kinakailangang isumite nang apat (4) na limbag na kopyang computerized (hardcopy). Ang kopya ng mga lahok ay kinakailangang walang taglay na anumang pagkakakilanlan ng may-akda. Nangangahulugan ito ng pag-aalis ng mga preliminaryong pahina ng tesis at disertasyon na nagtataglay ng pagkakakilanlan ng may-akda. Tanging pamagat ng tesis/disertasyon at sagisag-panulat lamang ang pahihintulatang nakalimbag sa manuskrito.

7. Ang mga preliminaryong pahina ng tesis/disertasyon, gaya ng katibayan ng pagsang-ayon, tungkol sa mananaliksik o bionote, pasasalamat, pag-aalay, pahina ng grado at ebalwasyon, at iba pang katulad ay ilalakip sa isang bukod na brown envelope, kasama ang sumusunod:

- (a) curriculum vitae ng may-akda;
- (b) pormularyo ng paglahok (<https://shorturl.at/YSM6S>);
- (c) notaryadong awtentipikasyon ng lahok;
- (d) notaryadong katibayan ng etikong pananaliksik (walang plahiyo) na nilagdaan ng tagapayo;
- (e) rekomendasyon mula sa dalawang propesor ng kinabibilangang larangan;
- (f) rekomendasyon mula sa tagapangulo ng kinabibilangang departamento;
- (g) rekomendasyon mula sa dekan/a ng kinabibilangang kolehiyo; at
- (h) dihital na kopya ng lahok na nasa isang universal serial bus (USB).

8. Ang dokumentong ito ay nakalagay sa isang expanding envelope na may pangalan at adres ng kalahok. Maaaring dalhin nang personal o ipadala sa koreo ang lahok sa:

**Lupon sa Gawad Julian Cruz Balmaseda 2026**

Komisyon sa Wikang Filipino

2/P Gusaling Watson, 1610 Kalye J.P. Laurel,

Brgy. 640, San Miguel, Maynila 1005

9. Ang huling araw ng pagsusumite ng mga lahok ay sa 10 Oktubre 2025, 5:00 nh. Para sa mga ipinadala sa pamamagitan ng koreo, tatanggapin lamang ng KWF ang mga lahok na naipadala bago o sa nabanggit na petsa.

10. Ang mga magwawagi sa kategorya ng (1) tesis at (2) disertasyon ay makatatanggap ng PHP100,000.00 (net), plake, at medalya. May isang magwawagi lamang sa bawat kategorya. Maaari ding walang tatanghaling magwawagi sa alinmang kategorya. Angkin ng KWF ang unang opsiyon na mailathala ang mga nagwaging lahok nang walang royalti sa may-akda.

11. Ang pasiya ng Lupon ng Inampalan ay pinal at hindi na mababago.

12. Hindi patatawarin ang sinumang mahuhuling nagplahiyo. Kakanselahin ng KWF ang ipinagwaging lahok at hindi na muling makasasali pa sa alinmang timpalak ng KWF.

13. Para sa karagdagang detalye, tumawag o mag-text sa 0928-844-1349, o mag-email sa [timpalak\\_gawad@kwf.gov.ph](mailto:timpalak_gawad@kwf.gov.ph).



Kompleks Pampalakasan ng Balogo, Balogo,  
Sorsogon, Sorsogon 4700  
Email: [sorsogon@depd.gov.ph](mailto:sorsogon@depd.gov.ph)  
Website: [depdsorsogon.com.ph](http://depdsorsogon.com.ph)